



Minggu 31 Juli 2022
Ogen: 1 Korinti 16:14



Lakoken Alu Ate Keleng



Perdalanan perjabun erbage curak ras nanamna. Lit si meriah ras entebu nanamna janah lit ka si pagit ras dem perbeben. Enterem kalak ngatakensa bas perjabun e 6 bulan seh ku sada tahun ngenca meriah, kenca si e enggo si pagitna nari ngenca man alanken. Payo kin bage?

Perjabun e tuhu melala rungsa-rungsana, melala batu-batu kerikil ras batu galang si man bentasen. Tapi, labo e ngatakensa si latihna nari ngenca si man alanken. Lit rahasiana uga maka la latih ndalani perjabun e amin melala rungsa ras batu-batu si man alanken. Rahasiana e me 'pebelin ate keleng.' I bas litna keleng ate ertambahna gegeh ngalaken perbeben e. Perbulangan ras ndehara mpebelin biak kekelengen i bas pusuhna janah isehkenna kekelengen e radu ras i bas jabuna. Tupung iraskenna engkelengi, dinging erlumba ia engkelengi mahan bana perbeben ndai banci ialaken ras-ras. Jabu si paguh adi ipalasi alu kekelengen. Kekelengen e banci inanami pasangan tupung ia iergaken, iperdiateken, itami-tami, isampati, diskusi dinging isehken kai si iperlukenna.

Pasangan i bas perjabun e perlu kepe singenan rusur. Reh dekahna erjabu reh ngenana atena pasangenna (jatuh cinta brkali-kali kepada pasangan yang sama). Uga banci bage? Alu bahasa tubuh entah alu bahasa cinta, perdiatoken kai sura-surana dinging kerincuhenna man pasangenna. Sehkenlah kerincuhenna pasangan e. Selain si e, la erngadi-ngadi ngalemi salah perbulangan entah ndehara. La lit kata cukup i bas ngalemi. Ergaken pasangan e dinging aloken ia uga litna. Nggit ngaloken kerina kecibalna. Pebue paksa-paksa 'berdua' ras ngerana-ngeranalaha arah pusuh si bersih. La lit unsur ndarandarami kesalahenna, entah pebujur-bujur bana. I bas jabu enggo arusna saling mendukung ras menutupi kekurangan.